

Golfklúbbur Akureyrar



Skýrsla stjórnar 2013

1. nóvember 2012 – 31. október 2013



Stjórn og nefndir starfsárið 2012-2013

Aðalstjórn

Formaður:	Sigmundur Ófeigsson	eitt ár
Varaformaður:	Jón Steindór Árnason	fyrri ár
Ritari:	Ingi Torfi Sverrisson	fyrri ár
Gjaldkeri:	Guðlaug M. Óskarsdóttir	fyrri ár
Meðstjórnandi:	Örn Viðar Arnarson	fyrri ár

Varamenn í stjórn

1. varamaður	Gunnar Vigfússon	seinna ár
2. varamaður	Halla Berglind Arnarsd	seinna ár

Vallarnefnd (GSÍ)

Formaður	Örn Viðar Arnarson
	Jón S. Hansen
	Heimir Jóhannsson
	Sverrir Þorvaldsson
	Eyjólfur Ívarsson
	Jónas Bjarnason

Afreksnefnd & unglínganefnd

Formaður	Ingi Torfi Sverrisson
	Finnur Bessi Sigurðsson
	Jón Viðar Þorvaldsson
	Andri Geir Viðarsson
	Árni Árnason
	Halla Berglind Arnarsdóttir

Formaður unglíngaráðs	Anna Einarsdóttir
	Jón Birgir Guðmundsson
	Aníta Jónsdóttir
	Tómas Ólafsson
	Anton Ingi Þorsteinsson
	Golfkennari GA

Kapleikjanefnd (GSÍ)

Formaður	Gunnar Vigfússon
Yfirræsir	Stefán Haukur Jakobsson
Dómari	Tryggvi Jóhannsson

Arctic Open nefnd

Formaður	G. Ómar Pétursson
	John Júlíus Carigliá
	Kristinn Svanbergsson
	Jón Egill Gíslason
	Eygló Birgisdóttir
	Framkvæmdastjóri GA

Forgjafarnefnd (GSÍ)

Formaður	Tryggvi Aðalsteinsson
	Stefán Jónsson
	Fylkir Þór Guðmundsson

Fjáröflunarnefnd

Formaður	Jón Steindór Árnason
	Guðlaug M. Óskarsdóttir
	Ingi Steinar Ellertsson
	Heimir Haraldsson
	Baldur Ingi Karlsson
	Hjörtur Sigurðsson

Aganefnd (GSÍ)

Formaður	Björn Axelsson
	Ólafur Búi Gunnlaugsson
	Svanhvít Ragnarsdóttir

Nýliðanefnd

Formaður	Eiður Stefánsson
	Karl Guðmundsson
	Guðrún B. Harðardóttir
	Sigurður Samúelsson
	Jakobína Elín Áskelsdóttir

Öldunganefnd

	Haraldur Júlíusson
	Þórunn Anna Haraldsdóttir
	Hafberg Svansson

Húsnefnd

Formaður:	Kári Guðmundsson
	Ingólfur Bragason
	Jón Vídalín

Orðunefnd

	Gunnar Vigfússon
	Guðlaug María Óskarsdóttir
	Framkvæmdastjóri GA

Skoðunarmenn ársreikning

	Sveinn Pálsson
	John Júlíus Carigliá



Skýrsla formanns


Góðir félagar, ég býð ykkur öll velkomin hingað að Jaðri á aðalfund GA. 2013

Áður en fundur hefst formlega langar mig að biðja GA félaga að rísa úr sætum og minnst látins félaga okkar Þórunnar Bergsdóttur sem lést 11. maí.

Kæru GA félagar, ég vil byrja á því að þakka samstarfsfólki, stjórn, nefndarmönnum, starfsmönnum sem og öðrum GA félögum gott og árangursríkt samstarf síðastliðið starfsár. Sérstaklega vil ég þakka Höllu Sif framkvæmdastjóra GA fyrir hennar störf fyrir klúbbinn, en hún lætur nú af störfum sem framkvæmdastjóri eftir áralangt farsælt starf fyrir klúbbinn. Mig langar um leið að bjóða nýjan framkvæmdastjóra GA, Ágúst Jensson, velkominn til starfa.

Síðasliðinn vetur 2012-2013 var erfiður með tilliti til veðráttu þar sem miklir umhleyplingar ollu mikilli klakamyndun sem hafði í för með sér mikið kal, sérstaklega á flötum. Þrátt fyrir mikla vinnu og aðgerðir allan veturinn til að kljást við kalið og reyna að opna jarðveginn kom völlurinn illa kalinn undan vetrinum sem var einn sá lengsti sem elstu menn muna. Vorið lét á sér standa og má segja að varla hafi vorað heldur kom sumarið með látum en þó ekki fyrir en um miðjan júní eða rétt um tveim mánuðum seinna en árið áður. Okkar starfsfólk var í startholunum með vorverkin og má segja að tekist hafi á ótrúlega skömmum tíma að klára vorverk og koma vellinum í leikhæft ástand. Umhirða, umgengni og aðbúnaður vallar var okkur til sóma. Þetta hefði ekki áunnist nema með miklu og óeigingjörnu sjálfboðaliðastarfi, öflugum fólki í nefndum sem og góðu starfsfólki að ógleymdum jákvæðum GA félögum.

Meðaltal spilaðra hringja á dag



Mynd 1: Fjöldi spilaðra hringja á dag

Þessi langi vetur sýndi okkur það svart á hvítu hve mikilvæg inniaðstaða er fyrir okkar félagsmenn. Þegar tíðin er svona erfið og vetur langir eru mikilvægt að hafa aðgang að góðri inniaðstöðu. Á haustmánuðum fór einvala lið sjálfboðaliða á fullt með að klára inniaðstöðuna okkar í Golfhöllinni og er sú aðstaða nú fullkláruð með tveim rýmum fyrir kennslu og golfherma. Ég held að við GA félagar getum nú státað okkur af einni bestu inniaðstöðu á landinu. Þar er öll aðstaða hin besta og ætti að vera auðvelt fyrir kylfinga að æfa og bæta golfið í vetur svo næsta vor lækki forgjöfin strax er á völlinn er komið.

Í upphafi síðasliðins starfsárs rann út samningur við golfkennara og tók stjórn GA þá ákvörðun að auglýsa eftir kennara til að sjá hvernig landið lægi. Það er skemmst frá því að segja að enginn íslenskur kennari sóttist eftir starfinu en á annan tug erlendra umsókna barst. Niðurstaða þess ferlis var svo sú að Brian Höjgaard Jensen, danskur PGA kennari var ráðinn til starfsins. Um mitt síðastliðið sumar sagði Halla Sif, framkvæmdastjóri GA upp störfum. Stjórn auglýsti eftir nýjum framkvæmdastjóra og bárust margar góðar umsóknir. Niðurstaða þess ferlis var ráðning Ágúst Jenssonar.



Nú er þeim framkvæmdum sem lagt var af stað með árið 2007 á vellinum sjálfum að ljúka. Þeim verður lokað í vor með nýrri flöt á 10. braut og breytingu á brautinni sjálfri. Þessu tengt þarf að breyta teigunum á 11. braut einnig. Er þessum verkefnum lýkur er hringnum á vellinum lokað.


Fjármunir þeir er skilgreindir voru til heildarverksins eru uppunir en all mörg verkefni eru þó ekki enn komin í ferli og þar er helst að telja, nýtt æfingasvæði og nýr þar 3 holu æfingavöllur. Samningurinn hefur eðlilega tekið breytingum á tímabilinu enda hrun íslenska efnahagskerfisins haft áhrif á framgang mála þar sem annarstaðar. Nú verður það verkefni nýrrar stjórnar að ganga til samninga við bæjaryfirvöld um framhaldið. En þar verður að finna leið til að koma upp „þar 3“ æfinga og byrjendavelli sem og að klára æfingasvæði með skýli eða básum til að slá í, en þetta eru verkefni sem verða að fá forgang til að auka gæði þeirrar aðstöðu sem byggð hefur verið upp á Jaðri.

GA félagar eru heldur færri nú en í fyrra. Helstu ástæður fækkun félaga eru margar. Nýliðun í klúbbinn var mjög góð á nýliðagjaldi sem boðið var upp á aftur eftir nokkurra ára hlé.

Þátttaka í mótum var mjög góð og gestakoma mikil.

Unglingar okkar voru mjög duglegir að keppa í sumar á mótum GSÍ og unnu marga sigra, getum við verið mjög stolt af þeim. Í skýrslu stjórnar/unglingaráðs má finna upplýsingar um helstu afrek okkar unglunga.

Spilaðir hringir



Mynd 2: Fjöldi spilaðra hringja samtals

Akureyrarmótið var að vanda hápunktur mótahalds og var mjög góð þátttaka. Akureyrarmeistarar voru þau Örvar Samúelsson og Stefanía Kristín Valgeirsdóttir.

Að lokum vil ég endurtaka þakkir mínar til allra GA félaga sem og starfsmanna klúbbsins.

Takk fyrir
Sigmundur Einar Ófeigsson

Skýrsla Vallarnefndar

Aftur varð vetur konungur okkur erfiður og voru flatirnar mjög illa farnar þetta vorið. En með mikilli vinnu og þolinmæði náðum við að opna inn á sumarflatir þann 22. júní.

Gott veðurfar í júní og seinkun á opnun flata gerði gæfumuninn fyrir endurræktun. Spilað var til 21. október.

Vinnudagur var haldinn 25. maí þar sem mörg verk voru unnin og mæting mjög góð.

Framkvæmdir voru að venju miklar, allt kapp var lagt á að klára 2. flöt fyrir Arctic Open.



Mynd 3: Frá framkvæmdum við 2. flöt

Mikil vinna var unnin við tjarnir á 12. og 13. braut. Einnig voru endurnýjaðir teigar á 3,6,10 og 11. Byrjað verður svo á nýrri 10. flöt í vetur og verður hún tyrfð næsta vor.

Ræktun á svæði nýrra brauta 5 og 6 gengur mjög vel og er enn stefnt að taka þessar brautir í notkun 2015. Lagðir voru nýjir stígar í gegnum fyrri níu og norðursvæðið sem gagnast bæði golfurum og almenningi.

Vallarnefnd og vallarstjóri vill þakka öllum þeim sjálfbóðaliðum sem lögðu hönd á plóg fyrir vel unnin störf og vonandi sjáumst við sem flest að ári.

Skýrsla kappleikjanefndar

Eins og fram kemur í skýrslu vallarnefndar þá byrjaði sumarið seint. Fyrsta mót sumarsins var Pengu Open haldið 22. júní eða mánuði seinna en opnunarmót klúbbsins 2012.

Síðasta mót sumarsins var svo haldið sunnudaginn 29. september, þá lokuðum við mótaskránni með Sumargleðinni. Má því segja að mótasumarið 2013 hafi verið fremur stutt en mjög gott. Tekjur af mótum voru 7.2 millj.

Einungis var hægt að halda eitt mót í júní utan

Arctic Open vegna þess hversu seint völlurinn var til vegna óhagstæðrar veðráttu.



Mynd 4: Sigurvegarar á Akureyrarmóti

Akureyrarmótið var haldið 8. – 13. júlí þátttakendur voru 170 keppt var í 13 flokkum fullorðinna og 3 flokkum unglunga. Akureyrarmeistarar voru þau Örvar Samúelsson og Stefanía Kristín Valgeirsdóttir.

Mót í Unglingamótaröð GSÍ var haldið hér í júlí, keppendur voru um 150 allstaðar að af landinu og léku þeir afburðagott golf í blíðskaparveðri.

Í júlí voru bæði haldin kvennamót Volare og Herramót Rub23, mikil og góð stemming er alltaf í báðum þessum mótum.



Mynd 5: Anna Freyja, Guðrún og Pat á góðri stund

Ágúst mánuður var með hefðbundnu sniði en það er okkar stæðsti mótamánuður, þar eru nokkur stórmót sem haldin eru á hverju ári, Verslunarmannahelgarbomban, Hjóna- og parakeppnin vinsæla, VW Open (áður Mitsubishi Open) og Bautamótið. Einnig var haldin hér sveitakeppni eldri kylfinga 1. deild og lenti karlasveitin okkar í 2. sæti en kvennasveitin féll niður í 2. deild.

September var með sín föstu mót, firmakeppni og bændaglímu, liðakeppnin AM AM, Greifamótið lokamótið í unglíngamótaröð norðurlands og Byko Open.

Auk þeirra móta sem eru upp talin í þessari samantekt þá var haldin hér fjöldi fyrirtækjamóta bæði stór og smá.

Holukeppnin var spiluð í allt sumar og eins og fyrri ár var mikil og góð stemming í þeirri keppni. Sigurvegari í ár var Stefán Einar Sigmundsson.

Reynt er að stilla mótum þannig upp að þau hafi sem minnst áhrif á almennt spil GA félaga og gesta, ræst út að morgni dags, nokkur mót eru þó það stór að loka þarf velli á meðan á móti stendur.

Vill stjórn klúbbsins þakka öllum þeim fjölmörgu styrktaraðilum, sjálfboðaliðum og starfsfólki sem komu að mótahaldi sumarsins á einn eða annan hátt kærlega fyrir þeirra störf.



Mynd 6: Bændurnir Þórunn og Guðlaug

Úrslit allra móta GA er að finna á www.golf.is og www.gagolf.is undir fréttir.

Skýrsla Arctic open nefndar



Mynd 7: Frá Arctic Open

Arctic Open mótið var haldið dagana 28. – 30. júní.

Að venju hófst undirbúningur strax að loknu mótinu 2012 en aðal vinna við skipulag og sölu á mótið fór fram frá ársbyrjun og fram í maí. Gengið var frá samningum við helstu samstarfsaðila en þeir voru Icelandair og Flugfélag Íslands eins og mörg undanfarin ár. Einnig náðust samningar við Sun Mountain í Bandaríkjunum um hagstætt verð á golffatnað í teiggjöf. Þetta er annað árið í röð sem Sun Mountain er samstarfsaðili okkar og væntum við mikils af því samstarfi. Fatnaðurinn frá þeim hefur mælst sérstaklega vel fyrir hjá keppendum og almenn ánægja með samstafið.

Þátttakendur á mótinu voru 140 þar af um 20 útlendingar. Arctic open nefndin er nokkuð sátt við þessa þátttöku en stefnan er sett á 170 – 180 keppendur á næsta ári. Vonandi verða erlendir þátttakendur fleiri þá en mjög mikið er nú spurt um mótið, bæði hér hjá klúbbum og hjá söluaðilum.

Eins og svo oft áður þurfti að leggja nótt við dag síðustu daga fyrir mót til að tryggja að allir hlutir væru í fullkomnu lagi. Fjölmarginir GA félagar hjálpuðu til við undirbúning og framkvæmd mótsins og er þeim þakkað kærlega fyrir þá framgöngu. Framkvæmd mótsins tókst í alla staði vel og var klúbbum til mikils sóma. Veður var heldur kalt báða keppnisdaga en að venju létu keppendur það ekki á sig fá. Miðnætursólin skartaði sínu fegursta fyrri keppnisdaginn.



Mynd 8: Frá Arctic Open

Á mótinu var efnt til söfnunar til styrktar góðu málefni. Að þessu sinni var ákveðið að styrkja Barnadeild Sjúkrahússins á Akureyri. Söfnuðumst fimm hundruð og fimmtíu þúsund krónur meðal þátttakanda á mótinu og fyrirtækja á Akureyri. Þessi fjáröflunarleikur hefur mælst vel fyrir og voru þátttakendur ánægðir með að geta látið gott af sér leiða með þessum hætti. Einnig styrkir hann ímynd golfsins og Golfklúbbsins.

Tekjur af mótinu voru tæpar fjórar milljónir en gjöld tæpar 2,6 milljónir. Tekjur jukust um 15% milli ára en gjöldin stóðu í stað. Hagnaður af mótinu nam 1.200 þúsund krónum.

Það er mat Arctic Open nefndarinnar að bjartir tímar séu framundan og að allar aðstæður séu til staðar til að efla mótið á næstu árum. Það er nauðsynlegt að vinna markvisst að kynningu á mótinu, ekki síst erlendis, og nýta þannig þann áhuga sem almennt er á Íslandi meðal erlendra ferðamanna.

Skýrsla unglínganefndar

Í febrúar kom Brian Þjálfari til okkar og fljótlega hófust æfingar bæði í Boganum og Höllinni. Börn og unglíngar voru dugleg að æfa sig sjálf og taka þátt í púttmótum klúbbsins fyrstu 2 mánuði ársins og suma daga var höllin okkar hin fínasta félagsmiðstöð.

Unglíngarnir stóðu fyrir púttmótaröð sem vel var sótt og einnig héldum við páskaþúttmót. Árlegt kaffihlaðborð unglíngaráðs var svo haldið á sumardaginn fyrsta.

Í maí var haldið í æfingaferð með unglíngahópin ásamt keppnishópi fullorðinna. Farið var í Borgarnes, gíst þar og spílað auk þess sem flestir tóku þátt í golfmóti á Akranesi.



Mynd 9: Frá æfingu í Boganum

Helgína eftir æfingaferðina var svo fyrsta mótið í Íslandsbankamótaröðinni haldið í Þorlákshöfn. Við fórum í hópferð á þetta mót og krakkarnir stóðu sig gríðarvel og þetta var góð leið til að hrista saman hópin. Önnur hópferð var farin á Íslandsmótið í högggleik í júlí.

Mörg af okkar krökkum tóku þátt í stórum hluta af mótunum í Íslandsbankamótaröðinni og stóðu sig afar vel. Má þar nefna að Tumi Hrafn Kúld varð í 7. sæti 15-16 ára kk - Ævarr Freyr Birgisson varð í 9. sæti 17-18 ára kk og Stefanía Elsa Jónsdóttir varð í 10. sæti 17-18 ára kvk.

Nokkrir krakkar voru dugleg að sækja áskorendamótaröðina og þar má nefna að Lárus Ingi Antonsson og Andrea Ýr Ásmundsdóttir urðu bæði í 3ja sæti í flokki 14 ára og yngri.

Norðurlandsmótaröðin var á sínum stað og krakkarnir okkar stóðu sig einnig mjög vel þar og röðuðu sér í efstu sæti í mörgum flokkum.

Við tókum svo þátt í sveitakeppni unglínga og þar stóðu drengirnir okkar sig með ágætum. 15 – 18 ára drengir kepptu á Hellu og enduðu í 6. sæti eftir harða baráttu og 15 ára og yngri drengir kepptu á Hellishólum. Sveit 1 lenti í 10. sæti og sveit 2 í 18. sæti. Veðrið á sunnanlandinu var vægast sagt skelfilegt hávaðarok og úrhellisrigning og við komum með allt blautt heim.

Ævarr Freyr Birgisson og Tumi Hrafn Kúld tóku þátt í sigursveit fullorðinna sem keppti í 3. deild á Neskaupsstað.



Mynd 10: Frá einu af mótum sumarsins

Unglíngalandsmót UMFÍ fór fram á Silfurnesvelli, Golfklúbbs Hornafjarðar. Í mótinu voru tveir kylfingar frá Golfklúbbs Akureyrar, en það voru þeir Fannar Már Jóhannsson og Aðalsteinn Leifsson, og kepptu þeir í flokki 14-15 ára. Aðalsteinn varð í 2. sæti og Fannar í 3. sæti.

Útíæfingum lauk svo í október og inníæfingar tóku fljótt við. 20. október hélt unglíngaráð ásamt Brian kynningarfund á vetrarstarfinu. Mikil og góð mæting var á þann fund.



Í sumar hafa verið rétt um 100 börn og unglingar 18 ára og yngri að æfa. Þátttaka í Golfskóla GA var mjög góð, þar höldum við 3 námskeið.

Uppskeruhátíð unglinga var svo haldin 22. nóvember. Þar voru veittar viðurkenningar fyrir góða ástundun, framfarir og árangur sumarsins. Mikil gleði ríkti meðal unglinganna í hinum ýmsu keppnum og þrautum sem kennari og unglingaráð settu upp. Var svo öllum boðið í pizzuveislu.

Skýrsla Nýliðanefndar

Markmið nýliðanefndar eru aðallega tvö, taka á móti nýjum félagsmönnum og stuðla að fjölgun félagsmanna 18 ára og eldri.

Fjölgun félagsmanna er samvinna á milli stjórnar GA, þjálfara, nýliðanefndar og allra kylfinga GA. Vetrarstarfið var með rólegasta móti síðastliðinn vetur vegna framkvæmda í golfhöllinni og þjálfara skipta. Öll aðstaðan í golfhöllinni er nú orðin mjög góð og mun það verða mikil lyftistöng fyrir allt nýliðastarf. Nokkur nýliðanámskeið voru á síðasta starfsári, var þátttaka í þeim góð.

Reynt var að höfða til félagsmanna GA með áttakinu vinur á vin.

Eitt af markmiðum nýliðanefndar er á taka á móti nýliðum sem eru að stíga sín fyrstu skref í golfi, það er gert með reglunámskeiði á vorin og nýliðakvöldum þar sem vanir kylfingar spila með óvönum kylfingum. Með þessu fyrirkomulagi ná nýliðar að kynna golfíþróttinni og öðrum kylfingum betur og hraðar. Það á að vera markmið allra kylfinga í GA að stuðla að fjölgun félagsmanna og sýna nýjum kylfingum þolinmæði og stuðning. Sameiginlegt markmið okkar allra er að nýliðar upplifi þá tilfinningu að þeir séu velkomnir í GA. Nauðsynlegt er að útbúa svæði innan vallar þar sem nýliðar geta spilað 6-9 (stuttar) holur. Meðan það svæði er ekki til þá er oft erfitt að fá óvana fullorðna einstaklinga til að ganga í klúbbinn.



Mynd 11: Frá Jaðarsvelli



Mynd 12: 18. brautin

Nýliðakvöld voru 4 á þessu ári en byrjuðu óvenju seint. 25. júní var fyrsta kvöldið og 23. júlí var síðasta kvöldið. Mæting var yfirleitt ágæt en samtals 28 óvanir mættu á þessi 4 mót. Sumir mættu einu sinni en aðrir oft. Vanir spilarar voru líka duglegir að mæta og þökkum við þeim kærlega fyrir. Samtals tóku um 50 manns þátt í þessum nýliðakvöldum og spiluðu 90 hringi.

10. september var svo loka nýliðamótið og mættu samtals 36 einstaklingar – vanir og óvanir. Spilaðar voru 9 holur og fengu allir viðurkenningar fyrir þátttökuna.

Fjöldi fyrirtækja gaf okkur gjafir í þessu skyni og þökkum við kærlega fyrir það.



Dregið var úr félagaleiknum "Vinur á Vin"

Á árinu hefur verið í gangi átakið "vinur á vin" sem hófst í fyrra. Það felst í því að allir félagar sem hafa boðið vini að ganga í klúbbinn fóru í pott sem dregið var úr í lok mótsins.

- 25.000 kr. afslátt af árgjaldi 2014 hlaut Jón Viðar Þorvaldsson
- Miða á Arctic Open 2014 hlutu þau Kristjana Skúladóttir og Ægir Jóhannsson
- Þátttökugjald í Akureyrarmót árið 2014 hlutu þeir Eiður Stefánsson og Ólafur Ágústsson

Nýliðanefndin þakkar GA félögum, stjórn GA og starfsfólk GA fyrir samvinnuna.

Skýrsla kvennanefndar

Kvennanefnd boðaði til vorfundar að Jaðri þann 1. mars. og var góð mæting að vanda. Ný kvennanefnd tók til starfa. Á vorfundi eru línur lagðar fyrir sumarið, - ákveðið var að spila 9 holu golf. 5 sinnum á miðvikudagskvöldum og taka þá með óvanar konur, þessir tímar voru vel sóttir.



Mynd 13: Frá Hatta- og pílámóti

Vorferðin okkar var að þessu sinni farin til Stykkishólms, 18 konur lögðu af stað að morgni föstud. 31. maí og aftur heim síðdegis á sunnudag.

Hótel og matur var með ágætum og völlurinn skemmtilegur sem er reyndar aðeins 9 holur. Veðrið var nokkuð gott en náttúrufegurð þess meiri.

Árlegt Hatta-og-pílámót var svo haldið 2. ágúst mjög góð þátttaka að vanda og í alla staði hið skemmtilegasta.

Súpukvöldið var svo 12. sept. þar sem spilaðar eru 9 holur er þetta lokin á sumarstarfi kvennanna. Þetta er svona það helsta á þessu stutta en frábæra sumri.

Nefndin þakkar framkvæmdastjóra svo og öllu starfsfólki Golfklúbbsins og Vídalín veitingum fyrir veitta aðstoð.

Skýrsla öldunganefndar

Starf eldri kylfinga var með hefðbundnu sniði, það er að undirbúa þátttöku í sveitakeppni. Í ár var keppnin hér á heimavelli. Karlasveitin stóð sig vel og hafnaði í 2. sæti en kvennasveitin féll niður í 2.deild.

Karlasveitina skipuðu þeir, Birgir Ingvason, Björgvin Þorsteinsson, Hafberg Svansson, Haraldur Júlíusson, Sigurður H. Ringsted, Viðar Þorsteinsson, Vigfús Ingi Hauksson og Þórhallur Pálsson. Liðstjóri Björn Axelsson.

Kvennasveitina skipuðu Aðalheiður Guðmundsdóttir, Anna Freyja Edvardsdóttir,



Mynd 14: Frá 9. braut



Guðný Óskarsdóttir, Halla Sif Svavarsdóttir, Jakobína Reynisdóttir og Þórunn Anna Haraldsdóttir liðstjóri.

Skýrsla afreksnefndar

Afreksnefndin kom saman á haustmánuðum þar sem farið var yfir sumarið og það sem betur mætti fara. Ákveðið var að leggja þyrfti meira þúður í sveitakeppni og alla umgjörð tengda henni. Úr því var ákveðið að Jón Viðar Þorvaldsson myndi annast sveitakeppni klúbbsins sumarið 2013. Setja upp kerfi hvað liðsval varðar og sameiginlegt spil. Áfram var rætt að leggja mesta áherslu á það að vinna með ungu kylfingana og hvernig fjölga mætti stúlkum í klúbbum.

Golfklúbburinn gerði samning við Friðrik Gunnarsson þar sem hann mun sinna kennslu samhliða PGA kennaranámi og var nefndin afar ánægð með þann gjörning og metur það sem afar jákvætt skref í afreks og uppbyggingarstarfi.

Afreksnefnd skipulagði sem áður tvær fjáraflanir þar sem farið var í vörutalningu í Bónus. Gekk vel að manna það verk. Formaður afreksnefndar tók þátt í úrvinnslu umsókna golfkennara og að lokum ráðningu. Brian Jensen var ráðinn til starfsins. Við komu golfkennara átti hluti afreksnefndar fundi með golfkennara og farið var yfir áherslur og komandi tímabil. Á vordögum var farið í æfingaferð í Borgarnes þar sem þátttaka var góð. Unglingaráð og kennari gerðu vel í skipulagningu ferðarinnar. Völlurinn kom illa undan vetri og setti það mark sitt á æfingar og þjálfun fyrstu vikunnar. Kennsla var með hefðbundnum hætti og sáu Brian Jensson og Friðrik Gunnarsson aðstoðarkennari um hana.



Mynd 15: Karlasveit GA 2013

Karlasveit klúbbsins stóð sig vel og hafði sigur í 3. deild sem fram fór á Norðfirði. Kvinnasveit klúbbsins var hársbreidd frá því að fara upp um deild en endaði sveitin í 3. sæti.

Á haustmánuðum var haldinn fyrirlestur þar sem golfkennari kynnti vetrarstarfið 2013-2014 sem og framtíðarsýn. Mjög góð mæting var á kynninguna.

Nefndin vill lýsa mikilli ánægju við þá uppbyggingu á allri aðstöðu sem hefur átt sér stað innan klúbbsins og þá sérstaklega inniaðstöðunni við Skólastíg og teljum við að hún sé lykillinn að bjartri framtíð klúbbsins. Kaup á trackman og uppfærsla á hermi eru einnig lykilatriði í frekari þróun afrekskylfinga. Nefndin bindur einnig miklar vonir við að framtíðarskipulag æfingasvæðis að Jaðri gangi eftir og mögulegt verði að byggja upp lokaða bása.